



Tir Yimiyim

www.tiryimiyim.in

Regd. No. RNI. NAGAAO/2004/13113. Postal-NE/RN-717.

e-mail : tiryimiyim@gmail.com

TAPAK 8

Yangia anidakangma :



Tir Yimiyim



tiryimiyim@aolima



tir yimiyim

TAPAK 7

Assam nung 'Mission Ramdhenu' tenzükogo

NEP ajanga Education system tajungba kümogo: Dharmendra Pradhan

VOL. XVIII NO. 265 (ADOK 265) DIMAPUR ROGONÜ (FRIDAY) CHITENI (JULY) 09, 2021 ₹ 5.00

Nagaland COVID-19: July 11

Kohima, Chiteni/July 08 (TYO): COVID-19 tashidak wara dak sendakba nung Nagaland sorkari July 11 nungi Unlock-2 tenzüksü Brehostibarnü telemteba agiogo.

Chief Minister Neiphiu Rio-anir High Powered Committee (HPC) on COVID-19 senden amenba mapang July 11 nungi Unlock-2 tenzükga July 17, 2021 tashi alitsü aser iba mapang talenba talila salatsü lemtet, ta Minister, Planning & Coordination, Land Revenue and Parliamentary Affairs, Neiba Kronu-i ashi.

HPC ajanga maneni shishiba mapang ya anepdang 6:00 ako nungi nikongdang 4:00 ako tashi alitsü latetsü aser saisapong dak sendakba sentongtem nisung 100 tashi adenshia agitetsü, ta pai ashi.

State-i aitba nisungtemi COVID-19 tendangba indang negative report sayutsüla, aser iba report ya temonutiba agi ghonda 72 tashinung tendangba asütsüla, ta ashi.

HPC indang co-spokesperson aser Advisor, Mmhonlumo Kikon-i ashiba agi, July 11 nungi tenzükga Dimapur railway station nung teshimtet train kar anendaktsüsü lemtetogo saka SOP tem metsünga-reta amshitsü.

Iba tashidak wave tasembuba arutsü südi ta imla aliba atema state renemshia aliba HPC ajanga asadangogo, ta pai ashi.

State ajanga atema guidelines aser SOP tejangja Chief Secretary telolakba sür aliba State Executive Committee ajanga yanglutsü, aser district shia aliba District Task Force on COVID-19 ajanga pei tesem nung amshitsü SOP tem yanglutsü akok, ta parnoki ashi.

Tang Nagaland ya 'Unlock-1' nung lir, koba July 1 nung tenzük aser July 10 nung atemtsü.

Kasa mapang Brehostibarnü agi anogo 11 buba atonga Nagaland nung COVID-19 tashidak nungi taneptsü angur ya iba tashidak agi meneper dang timba arur, kong cases tasen 64 liasü aser nisung 125 taneptsü angu. Tang state nung iba virus agi meneper nisung ajak agi 25,727 alitsü, ta health ketdangsur kati ashi.

"Tanü COVID-19 positive cases 64 putetba ya Kohima nungi 21, Mokokchung nungi 18, Dimapur nungi 12, Mon nungi pongu, Peren nungi asem, Longleng nungi ana, Wokha, Tuensang aser Zunhebotu nungi kaka alitsü," ta State Nodal Officer for Integrated Disease

nungi 'Unlock-2' tenzüksü

Surveillance Project, Dr Nyanthung Kikon ajanga anogoshi metetdaksüba COVID-19 bulletin nung ashi.

Taoba mapang COVID-19 positive puteta alir nisung 105 - Tuensang nungi 36, Kohima nungi 35, Mokokchung nungi 21, Dimapur nungi 19, Peren nungi trok, Mon nungi pongu aser Phek nungi asem - kasa anogo taneptsü ngua tang iba tashidak nungi taneptsü angur nisung 23,501 kumogo, ta pai ashi.

State nung Bodhbarnü iba tashidak nungi taneptsü anguba shilem 91.08 liasü aser Brehostibarnü shilem 91.35 kumogo.

Tang active cases 1,004 alitsü, aser item rongnung nisung 90 dak symptom sümia lir, nisung 25 dak timtem terara agüja oxygen nung lir, nisung 15 kanga kangshia oxygen nung lir, nisung trok ICU nung ventilator maden lir aser nisung ti ventilator nung lir. Nisung 860 dak iba tashidak agi timtem agütsüba mali, ta pai ashi.

Brehostibarnü state nung COVID-19 tashidak agi asüba nisung kata meliasü, anungji tang tashi iba tashidak keter aser nisung 505 alitsü aser item rongnung nisung 14 bo danga tashidak agi asüba alitsü, ta pai ashi.

COVID-19 tashidak agi menepa alir nisung 717 tashi danga state temi ogo, ta ashi.

Nagaland nung COVID-19 tashidak alitsü südi ta temolung melemteti sample 2,35,080 tendangogo. Item rongnung RT-PCR ajanga sample 98,903, TrueNat ajanga sample 63,111 aser Rapid Antigen Test ajanga sample 73,066 tendanga lir, ta Dr Kikon-i ashi.

Nisung 4,93,685 nem COVID-19 mozü dosen 5,75,023 agütsüogo, ta State Immunization Officer Dr Ritu Thurr-i ashi.

State nung COVID-19 mozü agir alirtem rongnung frontline worker nisung 60,290 alitsü, healthcare nung inyaker nisung 15,835 alitsü, arishi küm 45 tema alir nisung 1,60,455 aser arishi küm 18 nungi 44 tsüngta alir nisung 2,57,105 alitsü, ta pai ashi.

Nisung 81,338 nem COVID-19 mozü dose tanabuba agüja parnok vaccination course tembangogo. Parnok rongnung frontline nung inyaker nisung 30,539, healthcare nung inyaker 10,828, arishi küm 45 nungi tema alir 39,879 aser arishi küm 18 nungi 44 tsüngta nisung 92 alitsü, ta Dr Thurr ajangasa metetdaksü.

Cabinet senden mezüngbuba nung Covid package sen crore 23,123 sangdongogo

New Delhi, Chiteni/July 8 (Agencies): Ato Kilonser Narendra Modi-i, wara agi kongshir aliba health aser education, labour, civil aviation, IT aser petroleum amala sector tem asüngsashitsü atema Bodhbarnü lenir tasen shimogo.

Cabinet menden melenshiba sülen mezüngbuba senden nung Union sorkari Covid-19 dak sendakba nung jongdak mapang amshitsü atema sen crore 23,000 lemezüksüogo. "Covid-19 wara den raratsü atema sen 23,000 agütsüsü. Iba sen ya Centre aser state sorkar napronglai amshitsü," ta yashi shimba Union Health Minister Mansukh Mandaviya-i cabinet senden amenba sülen osangbener dang ashi.

Kasa mapang nung Agriculture Minister Narendra Singh Tomar-i, APMC tem nem resources timba agütsüsü atema inyaksü, ta ashi. Aluyimba ozüng benokba sülena APMCs magintsü ta nangzükga Tomar-i, "Atmanirbhar Bharat to Farmers Infrastructure Fund kübok sen lakh crore 1 lemezükga aliba ya APMCs-i amshittetsü," ta ashi.

PM Modi kübok BJP-i aniba sorkari linük tanabenbuba term yimsü asüba teyongtsü nung Cabinet menden melenshiogo, aser July 7 nü tir Ram Nath Kovind lenisüba nung Cabinet Minister tem tenangzüktepa agiogo.

Ato Kilonser Narendra Modi-i Bodhbar nikongtsüsü minister 43 (tasen aser cabinet jenjangi tenet ajungketba) tenangzükga agiba

asadangogo. Menden melenshiba sülen minister 12 mapa nungi anentsüogo (cabinet tenet aser minister of state pongu).

Bodhbarnü nikongtsüsü Tir office sangdong ka ajanga portfolios melenshiba list sangdonga liasü. List nung Ministry of Cooperation bendenlokogo aser iba ministry ya Home Minister Amit Shah tekolak ser inyaksangshitsü.

PM Modi-i maneni Ministry of Personnel, Public Grievances and Pensions; Department of Atomic Energy; Department of Space; policy tongtibang ken o ajak aser Minister tem nem lemezükga maliba tanga portfolios ajak abentsü.

(Maneni Tapak 2 nung ministertem Portfolio angutsu...)

NSLSA aser Good Samaritan Women Society tsüngta MoU zülutep

Kohima, Chiteni/July 08 (TYO): Teintet rogotem timtem ajuruba mapang yariteptsü nükjidong nung national helpline number ka tenzüksü asoshi Nagaland State Legal Services Authority (NSLSA) aser Good Samaritan Women Society tsüngta Memorandum of Understanding (MoU) ka July 7, 2021 nü NSLSA Member Secretary Office nung zülutepa liasü, kong Member Secretary N Longshithung Ezung aser Programme Manager, Senior Citizens Helpline, Neithonuo Liegise nati meyongnem agütsü.

Taoba mapang Ministry of Social Justice and Empowerment (MoSJE), Government of India, National Institute of Social Defense (NISD) aser state sorkar nungi Social Welfare Department ajanga National Helpline ka tenzüksü aser yangji Good Samaritan Women Society, Nagaland ya service agütsür asütsü lemteta liasü. Teintet rogotem timtem ajuruba aser ashishitep ken o benokba nung yariteptsü nükjidong nung iba Helpline ya amenoktsü. State Helpline temi call agizüksü aser District/Sub-districts administration ajanga timtem nung yaritsü, ta iba MoU nung shia lir.

Services balala pezü achayangtsü atema National Helpline for Senior Citizens (NHSC) - Elder Line (Toll Free No. 14567) ya amshitsü, aser itemji: Information- Call asürtemi aginüba ama iba helpline ya ajanga teintet rogotem anepaluba service agütsür, pension, Government Schemes aser danga teyaritem dak sendakba osang agütsüsü; Guidance- Iba helpline ya ajanga teintet rogotem legal aser pension amala dak sendakba ken o nung yaritsü; Emotional Support- Iba helpline team yagi counseling teyari agütsüsü aser nungdang dang süra takotet nisungtem den sendakteptsüsü; aser Direct Field Intervention alitsü; Rescues & Reunion of Homeless Elderly- Iba helpline team ajanga talidak ki malir teintet rogotem kumzükga aser kinunger adianutem den ajurutepdaksüba mapa inyaksü aser Old Age Home tem nung yutsüsü atema achayangtsü aser kinunger den ajurutepdaksüba nung yariba kisüng masü saka Maintenance Tribunal mesüra danga lenmang ajanga timtem ajangshibatem bentetrattetsü.

achayangtsü atema National Helpline for Senior Citizens (NHSC) - Elder Line (Toll Free No. 14567) ya amshitsü, aser itemji:

Information- Call asürtemi aginüba ama iba helpline ya ajanga teintet rogotem anepaluba service agütsür, pension, Government Schemes aser danga teyaritem dak sendakba osang agütsüsü; Guidance- Iba helpline ya ajanga teintet rogotem legal aser pension amala dak sendakba ken o nung yaritsü;

Emotional Support- Iba helpline team yagi counseling teyari agütsüsü aser nungdang dang süra takotet nisungtem den sendakteptsüsü; aser Direct Field Intervention alitsü;

Rescues & Reunion of Homeless Elderly- Iba helpline team ajanga talidak ki malir teintet rogotem kumzükga aser kinunger adianutem den ajurutepdaksüba mapa inyaksü aser Old Age Home tem nung yutsüsü atema achayangtsü aser kinunger den ajurutepdaksüba nung yariba kisüng masü saka Maintenance Tribunal mesüra danga lenmang ajanga timtem ajangshibatem bentetrattetsü.

Legal Service Authority ajanga talidak maliba teintet rogotem

kumzükga kinunger adianutem den ajurtepa maparen nung yaritsü aser nungdangba nung Legal Guidance agütsüsü.

Ki maliba teintet rogotem asoshi Elder Line nungi teshimtet nisungtemi yangji aliba Para Legal Volunteers den tongteprateptsü. Iba mapang teintet rogo ngutetba tesemi Para Legal Volunteer aotsü aser anasa aliba Old Age Home/ mozüki mesüra nisung aliba tesemi anir oa yutsüba nung yariteptsü.

Nungdakba ama Maintenance and Welfare of Parents and Senior Citizen's Act aser danga Act kübok Para Legal Volunteers temi teintet rogotem tzüzüng-ozüng tsütsü yariteptsü.

Teintet rogotem kumzükga ayutsü mechi Para Legal Volunteers ajanga tetsüngtai ia angateteptsü mesüra lungjemshidaktsüsü akok.

Teintet rogotem dak tashiyim amshiba ken o nung Elder Line nungi teshimtet nübutemi Para Legal Volunteers tem ajatsü aser timtem ajurua aliba teintet rogotem semdangtsü metetdaksüsü.

Item teinyaktsü aser mapa ajanga ya District Legal Services Authority (DLSA) aser Para Legal Volunteer ajak nem metetdaksütsüla, ta MoU ajanga ashi.

Ao Kaketshir Mungdangi - i kukua aitsür


Mokokchung, Chiteni/July 08 (TYO): July 7th, 2021 nü Mokokchung town kübok Sangtemla ward nung alir Ms. Ganga Rani Borha (33)-i tanur janu ka dak yimya masüba agi merenshiba angashia Ao Kaketshir Mungdang (AKM)-i kukua aitsür aser iba ama mapa tamajung aser meimchir shisatsü yimya nung khenyongi masüba mapa inyakba yabo senso tajung ajaki aitsütsüla, ta AKM tir-Nungdokyangger Ao aser tongti zülur - Nekmi Longkumer nati sangdong ka ajanga metetdaksü.

Ozüngi melaba ama tapet temerenshi bangdak amertemi la mapa aser aibelenba dak apet agütsüsüla aser shingai iba dak sentakba nung puküma mesüra kuli memelenshi-i iba ken-o tembangtsü memerangtsüla. Maneni, lokti aser kija kari tim masüba aser temeten makaba mera agiba metetra, AKM-i ken-o tatem tashi repranga mita atatsü, ta kasa sangdong nungsa metetdaksü.

Kasa mapang nung tanur chanu ka dak tim mesüi tashiyim agi merenshiba dak sentakba nung


Centre Coordinator, CHILDLINE - 1098 Mokokchung ajanga FIR züluba nung ajemdaker, keno bushiba maparen nung Mokokchung town kübok Sangtemla Ward nung alir arishi küm 33 tain Ms. Ganga Rani Borah (D/o Lt. Naren Borah, V/o Nagaon Assam) puogo. Iba maparen dak sentakba nung arokaroka bushisüngdangba mapa tenzükogo, ta PRO & Addl. Superintendent of Police, Mokokchung ajanga sangdong ka nung metetdaksü.

Covid-19 tashidak nokdangtsü atema senso shia teinyaktsü asem :




Tir Yimiyim


Tangar alidak teti teni tebang nembang mask temerük agiang;



Tangar den tsüktepa tenokdak aser temen;



Teti sapon agi teka metsükang.



ZBN-i NH129A contractor tem dang MoRTH inyakyim shidak benoktsü mepeshi

Kohima, Chiteni/July 08 (TYO): Zeliangrong Baudi Nagaland (ZBN) den Peren District CSO ajaki sangdong ka ajanga ashiba agi, Imphal aser iba den international arrtsü nung aliba Moreh jila aser iba sülen Myanmar den sendakteptsü atema lenmang ajanga tesendaktep tajung mapang talangka nungi aginüa aruogo.

Taoba mapang India sorkari Look East Policy benoker aliba nungi tang ACT EAST-i melenogo aser tang iba inyakyim ya asangsang nung ataloka odar, anungji Kohima-Mao-Imphal lenmang ajanga NH29 Numaligarh nungi Moreh aoba lenmang nung gari tali nongtepba nungi jenbotsü atema NH129A ya lenmang

tongtibang ka akümtsü. Nagaland state anguba sülena district nung tang tashi lenmang tajung mali, ta kasa sangdong ajanga metetdaksü.

Peren ajanga Dimapur o Maram na sendaktepba National Highway No.129A yanglutsü atema MoRTH Minister, Gov't of India, Nitin Gadkari-i 2015 küm Peren District semdangba mapang Nagaland state sorkar ajanga Zeliangrong Baudi Nagaland-i iba ken o benok.

MoRTH minister-i lenmang yanglutsü benokba agizükba atema District-i kanga pelar, ta sangdong ajangasa metetdaksü.

NH129A ya Peren District atema kanga tongtibang aser Peren District nung aliba nüburtem atema taküm nung khen dang

ajangshitsüba takok asünung ZBN-i, Peren District telongtet nung lenmang yanglutsü atema lemzükba contractor temi MoRTH tetuyuba sülen anidaka atakzükja aliba mapang shidak nung mapa tembanga inyaksü nenshir, ta ZBN-i metetdaksü.

Iba mapa benoka inyaksü atema ZBN-i parnok indang volunteer tem Identity Cards bener mapang mapang shia yoktsü aser parnoki NHIDCL Engineer tem nem teyari agütsütsü. Kasa mapang nung Peren District telongtet nung kija aser telok balalai rakzükkrademsü merangba aser saru saruba mesera contractor tem merenshiba khenyongi magizüktsü, ta ZBN-isa metetdaksü.

Ongpangkong Kaketshir Mungdang-i kukua aitsür

Dimapur, Chiteni/July 8 (TYO): Mokochung jila kübok Sangtemla Ward nung alir arishi küm 33 tain Ganga Rani Bora-i July 6 nü la den yaritepa alir arishi küm 11 tain tanur ka dak meimchir yimya dak maketba taochi makai azükba osang angashia Ongpangkong Kaketshir Mungdang-i (OKM) kukua aitsür, aser bangdak

ozüing ameri aibelenla nem tapet temerenshi agüjang ta akhanger, ta OKM tir Limatongzuk Jamir aser Gen. Secy Waluniba Kichu nati külem sangdong ka ajanga metetdaksü.

Tarutsü nung nübur shingaiya iba amala tim masüba yimya mebenshitsu metetdaksür, ta kasa sangdong ajanga metetdaksü.

Yimjak nung prangbong amshia sayuba atema nisung ka tepuokdaki yok

Dimapur, Chiteni/July 8 (TYO): Tetong den mangatetep adokba sülen prangbong ka amshia sayuba atema Dimapur nung arishi küm 25 tain asangur ka pua tepuokdaki yokogo.

Dimapur police-i ashiba agi, tata gari anishir Torin Tikhir aser tetong na tesendaktep mejungi akümba sülen pai pasasa akhatsü amokmerena liasü.

"Pai tetong puatsü atema kolab naro melena prangbong amshitsu shim, saka par kidangertem iba inyakyim agi tezüdangdaksü..22 calibre pistol ka bena aliba atema Padumpukhuri nungi nisung ka puogo aser East PS nung ken o ka benokogo," ta police-i tweet asü.

Dimapur police otongdar

Relo T. Aye-i, local temi police nem osang agütsüba sülen nisung ka puogo. Pa okadaki kati anirogo aser judicial custody nung ayutsü yokogo, ta ashi.

"Pai license maliba pistol ka par medemer ka ket nungi apu. Par medemsang ket nung kodaser prangbong yua liasü iba indang onoki bushitsüngdangdar aser pa anema jenjang tapet agitsü," ta Aye-i ashi.

Dimapur, kong shibelener balala extremist teloktem den ajuruteper, iba yimti ya ozüing alema prangbong injang aser hadir balala shishilembaba tesem ka asütsü ta bilemer. Prangbong hadirtem ya kidanger linük Myanmar nungi shibelener arur.

ANCSU Yemhi Memorial College semdang



Dimapur, Chiteni/July 8 (TYO): All Nagaland College Students' Union (ANCSU)-i, Brehostibarnü Yemhi Memorial College, Dimapur semdanga college Principal den sensaksemogo.

Sensaksem mapang Nagaland University kübok college tem nung taruba academic sessions nung benoktsü aliba Choice Based Credit System (CBCS) kübok

private college tem inyaksangshi nung tetsüdaksü adokba dak rangloker sensaksema liasü.

Tetsükdaksü aika ajuruaka college ketdangsürtemi, maangka peria manguba kaketshirtem dang yimli sayuba atema Union-i college authority dang kanga pelaba lemsatapa liasü, ta ANCSU, Information & Publicity Secy Aochuba P Jamir-i sangdong ka ajanga metetdaksü.

Tseminyu SDPDB senden menogo

Dimapur, Chiteni/July 8 (TYO): Tseminyu SDPDB senden July 8 nü ADC conference hall, Tseminyu nung menogo. Iba senden ya ADC Tseminyu, Manpai Phom NCS lenisüba nung mena liasü.

Senden nung sub-division kübok aliba sorkar tenzükertem atema special awareness aser vaccination camp ayongzükba agitsü sensaksema liasü. Senden nungsa Nsunyu nung amenoker aliba "Shajuchu welfare society" züngoksemtsü atema sorkar dangi abentsü telemtetba agi.

Maneni August 7 nü lokti nübutoka mapa inyaksü atema telemtetba agi, kong Tseminyu new Town amenoker küm 50 ajungba nungtem nung cherry süngtong atemba department shiai 100 kaka anepalutsü lemtet.

Linük nüjiso anguba anogo benjungmung dak sendakba nung house-i sorkar nungi tetuyuba atatsü telemtetba agi. Kasa mapang nung Government High School, Kandinu temaba jenjangi ajungkettsü atema benokba onük taruba senden nung jembishinütsü lemtet.

Tapak 1 nungi...

CABINET MINISTERS	
Rajnath Singh	: Defence Minister
Amit Shah	: Home Minister, Cooperation Minister
Nitin Gadkari	: Road Transport and Highways Minister
Nirmala Sitharaman	: Finance Minister, Corporate Affairs Minister
Narendra Singh Tomar	: Agriculture and Farmers' Welfare Minister
S Jaishankar	: External Affairs Minister
Arjun Munda	: Tribal Affairs Minister
Smriti Irani	: Women and Child Welfare Minister
Piyush Goyal	: Commerce & Industry Minister, Consumer Affairs Minister, Food & Public Distribution Minister, Textiles Minister
Dharmendra Pradhan	: Education Minister, Skill Development and Entrepreneurship
Pralhad Joshi	: Parliamentary Affairs Minister, Coal Minister, Mines Minister
Narayan Rane	: Micro, Small and Medium Enterprises Minister
Sarbananda Sonowal	: Ports, Shipping and Waterways Minister, AYUSH Minister
Mukhtar Abbas Naqvi	: Minority Affairs Minister
Dr Virendra Kumar	: Social Justice and Empowerment Minister
Giriraj Singh	: Rural Development Minister, Panchayati Raj Minister
Jyotiraditya Scindia	: Civil Aviation Minister
Ramchandra Prasad Singh	: Steel Minister
Ashwini Vaishnaw	: Railways Minister, Communication Minister, Electronics & IT
Pashu Pati Kumar Paras	: Food Processing Industries Minister
Gajendra Singh Shekhawat	: Jal Shakti Minister
Kiren Rijiju	: Law & Justice Minister
Raj Kumar Singh	: Power Minister, New & Renewable Energy Minister
Hardeep Singh Puri	: Petroleum & Natural Gas Minister, Housing & Urban Affairs Minister
Mansukh Mandaviya	: Health and Family Welfare Minister, Chemicals & Fertilisers
Bhupender Yadav	: Environment, Forest & Climate Change Minister, Labour & Employment
Mahendra Nath Pandey	: Heavy Industries Minister
Parshottam Rupala	: Fisheries, Animal Husbandry and Dairying Minister
G Kishan Reddy	: Culture Minister, Tourism Minister, Minister for Development of Northeast
Anurag Thakur	: Information & Broadcasting Minister, Sports & Youth Affairs Minister
MINISTERS OF STATE WITH INDEPENDENT CHARGE	
Rao Inderjit Singh	: Statistics and Programme Implementation, Planning, Corporate Affairs Jitendra Singh: Science & Technology; Earth Sciences; Prime Minister's Office; Personnel, Public Grievances & Pensions; Department of Atomic Energy; Department of Space
MINISTERS OF STATE	
Shripad Yesso Naik	: Ports, Shipping and Waterways; Tourism
Faggansingh Kulaste	: Steel, Rural Development
Prahalad Singh Patel	: Jal Shakti, Food Processing Industries
Ashwini Kumar Choubey	: Consumer Affairs; Food & Public Distribution; Environment, Forest & Climate Change
Arjun Ram Meghwal	: Parliamentary Affairs, Culture
V K Singh	: Road Transport & Highways, Civil Aviation
Krishan Pal	: Power, Heavy Industries
Danve Raosaheb Dadarao	: Railways, Coal, Mines
Ramdas Athawale	: Social Justice & Empowerment
Sadhvi Niranjan Jyoti	: Consumer Affairs, Food & Public Distribution, Rural Development
Sanjeev Kumar Balyan	: Fisheries, Animal Husbandry, Dairying
Nityanand Rai	: Home Affairs
Pankaj Choudhary	: Finance
Anupriya Singh Patel	: Commerce & Industries
S P Singh Baghel	: Law & Justice
Rajeev Chandrasekhar	: Skill Development & Entrepreneurship, Electronics & IT
Shobha Karandlaje	: Agriculture & Farmers' Welfare
Bhanu Pratap Singh Verma	: Micro, Small & Medium Enterprises
Darshana Vikram Jardosh	: Textiles, Railways
V Muraleedharan	: External Affairs, Parliamentary Affairs
Meenakshi Lekhi	: External Affairs, Culture
Som Parkash	: Commerce & Industry
Renuka Singh Saruta	: Tribal Affairs
Rameswar Teli	: Petroleum and Natural Gas, Labour and Employment
Kailash Choudhary	: Agriculture and Farmers' Welfare
Annpurna Devi	: Education
A Narayanaswamy	: Social Justice and Empowerment
Kaushal Kishore	: Housing and Urban Affairs
Ajay Bhatt	: Defence, Tourism
B L Verma	: Development of North Eastern Region, Cooperation
Ajay Kumar	: Home Affairs
Devusinh Chauhan	: Communications
Bhagwanth Khuba	: New and Renewable Energy, Chemicals and Fertilisers
Kapil Moreswar Patil	: Panchayati Raj
Pratima Bhoumik	: Social Justice and Empowerment
Subhas Sarkar	: Education
Bhagwat Kishanrao Karad	: Finance
Rajkumar Ranjan Singh	: External Affairs, Education
Bharati Pravin Pawar	: Health and Family Welfare
Bishweswar Tudu	: Tribal Affairs, Jal Shakti
Shantanu Thakur	: Ports, Shipping and Waterways
Munjapara Mahendrabhai	: Women and Child Development, AYUSH
John Barla	: Minority Affairs
L Murugan	: Fisheries, Animal Husbandry and Dairying, Information and Broadcasting
Nisith Pramanik	: Home Affairs, Youth Affairs and Sports

Gogoi-i Assam CM Sarma dang Constitution azüngtsü ashi



Akhil Gogoi (File photo)

Guwahati, Chiteni/July 8 (Agencies): Sivasagar MLA aser Rajgor Dal tir Akhil Gogoi-i Assam chief minister Himanta Biswa Sarma dang India temzüng ozüng azüngtsü aser angazütsü shiogo.

Assam CM Himanta Biswa Sarma-i tawa MLA ka shilemji ozüng yanglutsü atema dang aser minister tem shilemji item ozüngtem benoktsü atema lir, ta ashiba dak ajemdaker Akhil Gogoi-i CM aitsü.

Sarma-isa, pai Assam chief minister mapa bena ali tashibo

DC aser SP tem densema sorkar tenzükertemi ajaki MLA tem masü saka minister temi ashiba angatsü, ta ashi.

Assam chief minister-i iba olen jembiba dak sendakba nung Northeast Now den sensaksemba mapang Akhil Gogoi-i, CM Sarma-i India temzüng ozüng zünga MLA aser minister tem indang shilem aser khuret indang tali angazütsü nüngdaker ta ashi.

"Ni Assam CM dang Constitution Seventh Schedule aser Article 246 züngshitsü mepeshir, kong MLA tem

shilem aser khuret jangja jangja shia lir," ta Sivasagar MLA Akhil Gogoi-i ashi.

Paisa, "MLA ka mapaji ozüng yanglutsüba kija masü. Mapa aika dak alia MLA ka mapaji pei constituency nung schemes tem shidak benoka inyaker minyaker aji asadangtsü asoshi lir," ta ashi.

Maneni Akhil Gogoi-i, Assam CM Himanta Biswa Sarma dang pai memetetba ken o kar jembiba ajanga state nung aliba nüburttem manisatsü atema tekümdangtsü metetdaksüogo.

Mizoram kübok orphanage ka nung nisung 46 dak Covid-19 putet

Aizwal, Chiteni/July 8 (Agencies): Mizoram nung June 30 nü tenokdangba agütsü aliba salatsüba sülen Mongolbarnü nisung timba dak COVID-19 tashidak putetogo. Mongolbarnü orphanage & rehabilitation centre ka nungi nisung 46 densema nisung 548 dak Covid tashidak putetogo aser iba ajanga state nung tashidak menar 22,703 jungogo.

State information and public relations departments official sangdong ka ajanga ashiba agi, anogo ka nung positivity rate 16.88 per cent liasü, kechiyong sample 3,245 tendangba nungi item nsungtem dak tashidak puteta liasü.

Nisung 548 rongnung Aizawl district nungi 196 aser parnok sülen Lawngtlai district nungi 174 aser Kolasib district nungi 81 densema lir, ta kasa sangdong ajanga metetdaksü.

Brehostibarnü tashidak putetertem rongnung tanur 88 dak tema aser Border Security Force (BSF) sepai 4 densema liasü, ta Department sangdong ajangasa metetdaksü.

Tang tashidak menartem rongnung nisung 170 yimtsüng ka nungi dang lir.

Tashidak menar alir rongnung nisung 21 tangalen senzüsenpongba jangjaogo aser tanungba nisung 527 ya state nung menaba lir.

Parnok rongnung nisung 167 dak Covid-19 tashidak keta aliba temaitsü sayudar.

Mizoram nung tang COVID-19 tashidak menar temang anepalur 3,959 lir aser nisung 18,643 taneptsü nguogo.

Taoba ghonda 24 tsüngda coronavirus tashidak agi nisung ana asüba sülen state nung tang tashi nung iba tashidak agi nisung 101 süogo, ta health department ketdangsur kati metetdaksü.

State nung tang tashi nung sample 5,13,712 tendangogo.

State immunization officer Dr. Lalzawmi-i ashiba agi, Bodhbarnü tashi nung state nung nisung lakh 5.5 tema nem vaccine agütsüogo.

Assam cabinet-i cow protection bill agizükogo

Guwahati, Chiteni/July 8 (Agencies): Taoba mapang nangzükba ama state nung nashi/chang kümzüka ayutsü atema Assam cabinet-i bill ka agizükogo, ta parliamentary affairs minister Pijush Hazarika-i Brehostibarnü metetdaksü.

Iba bill ya taruba assembly session nung table asütsü, koba iba ita tatemi agitsü lateta lir.

"Onoki taoba mapang sorkari cow protection bill ka benoktsü ta sangdongogo. Cabinet-i yashi state assembly nung iba bill benoktsü atema mulunga agizükogo," ta Hazarika-i ashi.

Bill dak sendakba nung osang tejangja memetet saka chief minister Himanta Biswa Sarma-i taoba mapang, iba bill ajanga tanga state nungi Assam-i nashi/chang bener aruba aser Assam nungi bener aoba nokdangtsü ta shia liasü.

International arrtsü ajanga Bangladeshi-i nashi/chang shibelener aoba nokdangtsü atema iba jenjang agiogo. Tang linük nung state balala nungi Assam ajanga kidanger linüki shibelener aotsü atema nashi/chang shibelener arur.

Election tembangba sülen May ita mezüngbuba session amenba mapang Angh Jagdish

Mukhi-i, iba bill ajanga temeshi shiruru kümzüka ayutsü atema zero-tolerance policy ka adopt asütsü, ta ashi.

Iba jenjang agiba pusema CM Sarma-i assembly mezüngbuba session nung, Hindu nung aliba tesem aser iba shiruru külemba tesem nung nashishi machitsüla, ta ashi.

"Nashi ya asenok tetsü ama züngshir. West Bengal nungi nashi/chang bener marudaktsüner. Nashi külemba tesemtem nung nashishi mechidaktsüner. Nashishi achirtemi parnok chabayongba yimya melenshitsu la ta ashir masü saka nashishi machirtem atemaa bilemstsüla," ta pai ashi.

Assam nung nashishi achitsu ba ya ozüng alema masü. Assam Cattle Preservation Act, 1950-i, local veterinary ketdangsurtem nungi temelaba agir nashi küm 14 tema tepsettsü melar.

Iba bill agizükba sülen Assam-a BJP-i yimsü asüba state Uttar Pradesh, Madhya Pradesh aser Karnataka den adentsü, kong nashi kümzüka ayutsü asoshi ibala mesükba bill benoka lir.

Arunachal-i vaccine agir alirtem dang aita daksütsü

Itanagar, Chiteni/July 8 (Agencies): Arunachal Pradesh sorkari vaccine agir alirtem dang state-i aita daksütsü atema telemtetba agiogo.

State sorkarisa vaccine agütsüba sentong kanga tashi ita benokogo aser tang tashi nung arishi küm 18 aser temapurtem shilem 68 nem vaccine mezüngbuba dose agütsüogo.

"Arunachal Pradesh-i arunertem ajak state-i mait tsüngda vaccine agidaksütsü atema onoki inyaktepdar," ta State Chief Secretary Naresh Kumar-i Union Home Secretary Ajay Kumar Bhalla dang July 7 nü online senden ka amenba mapang ashi.

Kumar-isa, state nung covid tashidak nokdangtsü atema tasa asem benoka inyakdar. Mezüngbuba nung tashidak menar alirtem bushitsüngdanga

oa tashidak tendangba, tanabuba nung Covid dak sendakba nung yimayimpong shidak benoktsü atema jenjang agiba aser tasembuba nung vaccine agütsütsü asoshi inyakdar, ta pai ashi.

"Arishi küm 18 aser 45 temapurtem noklang nung noklang nem vaccine agütsütsü atema Arunachal Pradesh nung ano vaccine lakh 3 talila nüngdaker," ta pai ashi.

State nung vaccine agitsü asoshi atidakertem nem vaccine agidaksütsü atema teyari agütsüba sülen tang iba jenjang agiogo. Yazali circle aser Lower Subansiri district nung

ketdangsurtemi arishi küm 45 temapur vaccine agirtem nem angati jang seret 20 agüja liasü.

Manipur aser Meghalaya kübok district kar nunga vaccine nisung timba nem agütsütsü nükjidong nung senotsü teyari agüja liasü.

Assam, Meghalaya aser Manipur nung vaccine agiba ya shishilemba aser mapa inyaker itasen den sendakteptsüogo. Shishilembartem aser commercial gari anishirtem dang vaccine agirang mapa inyaksü mesera customers aser passenger tem nem telemtetba ka agidaksütsü atema parnok vaccine agiba jenjang sayutsü tetuyuba agütsüogo. Yakbang nung inyaker kar dangbo parnok nem itasen magütsü tsüngda parnok vaccine agir aliba jenjang asadangtsü ta shiogo.

Meghalaya yimtiba Shillong nung NGO aser MLA kari July 6 nü ration card malirtem nem chiyongtsü lemtsüba mapang vaccine magi alirtem sendokba atema parnok aitsüogo.

Yimti kübok Happy Valley-Madanriting tesem nung COVID-19 relief camp ayongzüka agiba telok kati vaccine agir alirtem nem dang tenüngdakba osettem agütsütsü ta sangdonga liasü. Ajisüaka Meghalaya High Court-i vaccine agiba dak sendakba nung tenokdangba agütsüba mesera nisungtem bendanga amshibaji lisopur ka fundamental rights anema lir ta shiogo.



Ato Kilonser Narendra Modi-i Council of Ministers menden melenshitsu sülen anogo ka lir Brehostibarnü minister tasen aikati parnok nem nongloktsüba mapa belenzükogo. Brehostibarnü mapa agizükertem rongnung Mansukh Mandaviya (Health Minister), Ashwini Vaishnaw (Railways and IT Minister), Kiren Rijiju (Law Minister), Anurag Thakur (Information and Broadcasting Minister) nung densema lir.



TIR YIMYIM YIMOBILEM (EDITORIAL)

DIMAPUR ROGONÜ, CHITENI (JULY) 09, 2021

Asen Lima Züsentetba Alidi

- Tangsen Lemtur

Otsüla-oboula nunger aluyimertem liasü aser asen tsüraburtema aika aluyimertem liasü, saka tanübo yim aika nung aluyimertem kanga ajema akümba agi yim shia nung tapayutsüka arem tawa tulu lir. Ao lima nung tsüklusa mayimyonga yim aika nung aonsotsü aser süngjanglijang lu ayim tenzükba tsütsü terenlok terabo aliba asenoki angur. Yamaji tsüklusa mayimyonga asen lima nung ali den apet aonsotsü aser süngjanglijang lu ayimtsü atema asen Aotsür-Aor Agri mongintemi lenmang sayua aluyimertem ajungshi nungbo kanga ajungtsü. Ao lima nung yim kar nung süngmok, züngi, jiru, mersü aser bengana lu tulu yimzüka jenti züsentetba asenoki meteta lir, ajisüaka market linkage junga maliba agi mapang shidak nung aonsotsü meyokteti raksaa indokba osang angashir. Ibaji ajanga aluyimertemi meranga inyakba amajok akümer aser aluyimertem atema sasa bilemstsür. Talisa yaküm o taküm na coronavirus wara prokba nokdangtsü atema lockdown aliba ajanga Ao lima nung züsentetba aonsotsü balala tanga district nung ayoktsü lenmang shibangba osang angashir. Tang ama tensa ka nung asen lima nung züsentetba süngjanglijang aser aonsotsü tebilemba ama yoktettsü atema local administration-i aluyimertem nem maangka balaka agütsütsüla ta bilemer. Terenlok aliba linüktem nungbo organic chiyungtsü (mozü mamshii züsentetba) dang alia achir. Ashiko, tsümalen nungi bener atuba mersü aser bengana densema aonsotsü balala ya temang nung timtem agütsütsüsa mozü tapu balala amshia züsentetba asütsüa akok. Asenokibo mozü mamshii aonsotsü züsenteter, anungji akokba tashi asen lima nung züsentetba aonsotsü alia achitsü junger; ibaji ajanga asen temang nung teyari agütsüba den külemi aluyimertema ajangzüker. Tawa bazaar nung tsümar bengana tera ali aser Longkum nunger lu nung züsentetba bengana tera alia basket balala nung yur medemdanga liasü; anogo 8-9 tsüngda tsümar bengana teküpshirepa aküm saka asen lima nung züsentetba benganabo kanga kümküma liasü. Ano külen jenjang-a medemdangra asen lima züsentetba bengana jenjangsa dalangba. Asenok ajaki anogo shia achiba aonsotsü rongnung mersü aser bengana densema lir, aser aonsotsü ana ya asen lima nung Longsa aser Longkum yimtiba nung jenti züsenteter, anungji mongpu nungbo asenoki akok tashi asen nisungi züsentetba dang alia achitsüla. Tang mapang ya asen lima nung bengana jenti züsentetba mapang lir, ajisüaka tsümalen nungi bengana talubo bener atuba agi asen lima züsentetba bengana tebilemba amai meyokteter ta osang angashir. Asen lima nung sorkar/private mapa angutsü tasak aser industries mali, anungji kobi melii lanurtemi alu dangi meyipa süngjanglijang aser aonsotsü lu ayim tenzüktsü, ta nüklai arur. Anungji tang nungi tenzüka asenoki asen nisungi züsentetba süngjanglijang aser aonsotsü alidi; ibaji ajanga aluyimertem taliba ajungmesotsü aser asen lima azükarutsü.

OLEMSABANG

KÜ PUNGMANG: AO AROGO YIMDEN YIMSÜSÜBA YANGLUSHITSÜ NÜNGDAK

- Imli P. Lemtur (Jorhat)

(Yashi adok nungi...)

Tatishitsüka saka shidakba ka shidi. Baptist Church of Mizorami (BCM) inyakba asenok ajaki metetta lir. Kari memetet lira, tongmelang agi lemsateper. BCM nung local Arogo aser Mungdang yimsüsüba kar, Dr. Sentiwate Aier shiba BCM kübok küm ter trok inyaker arua Union Biblical Seminary, Pune nung tesayur inyaker, pai yamai lemsatepba shisemer.

1. BCMji 100% centralized lir. Mungdangi dang budget yanglur (salary, mission, institution, development) aser local Arogo ajak nem lemsüktsür. Arogo ajak - jila, yimtsüng - nung alir ajak kasa dang.
2. Pastortem (tanga Toklang tenzükertema) ajak mungdangi dang shimer aser ajakprong kasa itasen, perks, benefit angur.
3. Tenzüker shimer külen mandatory 6 months ministerial training nung atener aser idakji Arogo constitution, service policy, ritual, temzüng ozüng ajak sayur aser exam agir. Iba sülen, küm asem abensar, ordination atema exam zülutsü aser committee-i evaluate sür temsüa lira ordain sütsür. Arogo nung Pastor mapa tongtibangtiba kaji Tsüngrem O aroka sayuba ya lir, saka shirnoki junga sayutsüngi mesüteter, parnokji tanga mapa tapet nung amshir.
4. Küm asem shia tenzükertem reshuffle asür aser kong posting ngudir tashishi makai aor aser Arogoi travel, transport ajak agütsür.
5. Promotion ajak service seniority list nung ajemdaker inyaker aser office ajak term post dang lir. General Secretaryji tematiba menden lir saka pa/la term temra, yimtsüng katisa pastor yoker. Theological college principal süaka kasa Pastor ita sen agütsür, aser term temberbo yimtsüng kati pastor aotsü ta melentepa inyaker.
6. Pastor kinungtsü kecha job meinyaktsüla aser Arogoi kinungtü aser tanur allowances agütsür.
7. Pension, PF, medical, loan ajak lir. Hospital nung shirangra 80% reimbursement aser out patient 50% reimbursement asütsü. Iba dak tali nungdakra Executive Committeei repranger teyari agütsütsü provision lir.
8. Küm ter sülen voluntary pension agütsür aser second pension dena lir (spouses)
9. Study ora, full salary aser full scholarship agütsür, including travel, house rent, city allowance etc. Ano aika lir... 'nia yangji küm 16 inyakba temoatsü tang tashi agir ani' ta shisem.

BCM nükjidongji tenzükter rongnung kecha telemsa makai liromedem kadaktsütsü asoshi yamaji inyaker; town nung alir, yimtsüng nung alir ta telemsa makai Khristar lu nung kasa dang ta sayutsü ajaki Mungdangi kechi tuyur aji tashi anga anitaker. Ao arogotem rongnung town nung alir aser yimtsüng nung alir ta telemsa adokba ya tebilemstsü tulu. Ao arogotem tanü amai dang ora, kobi melii yimtsüng aser jila nung tenzükter rongnung tepila tulu adoktsü aser iba jagi tebilemstsü tulu bener arutsütsü ta pungmanger.

BCMi inyakba karbo achizüktsü akoktsü asü masü? lemanjia lir mali? itemjia bilemdangtsüla, kechiaser asen Arogo yimden yimsüsübaren ajakji asen sobaliba den sendaktepba lir aser Mizo nunger den asenok Aor sobalibaji lemanjia aisü nung balala lir. Ano lemanjia aisü nung mezüktepa lir.

Ajakji machizükaka, BCMi inyakba Arogo yimden yimsüsübaren tajung kar asenoki koktettsüsa lira aser itemji ABAM aser local Arogotemi achizükttetra, tarutsü putu asoshi lemanjia aisü nung Ao Arogo Yimden Yimsüsüba tajungba akümstsü amai pungmanger.

Tatishitsü agi, item amala kar Ao Arogo Yimden Yimsüsüba aser Tenzükba maparen nung yanglushitsü koda?

1. Toklang tenzükter shimba yimya. Arogo nung Toklang Tenzükertem local Arogo ajanga masü saka ABAM ajanga shim nung koda? Iba ya inyaktetra, tenzükter shimba mapang, yim apia, tsükong apia, temetteper apia, tsükong tapensa apia tenzükter shimba temenen aika nungi kümzüktsü. Theology azüngi yokba nungi shir, tenzükter shimba nung professional süa shimtsü nungdaker. Tsükongi/kinungeri mulungba masü saka Tsüngremi mulungba nung shimba tenzükter yimyaji iba ajanga ataloktsü amai pungmanger.
2. Tenzükertem küm pungu mesüra tenet lir melenteptsü (every 5-7 years) takoktsü lemanjia lir mali? Tetezü Arogo ka nung küm pungu mesüra tenet tenzükter, ABAM-isa tanga Arogoi mesüra Mungdangi, mesüra mission field balalai transfer yoktsü. Ao lima arogo rajang akümbaji tenzükter ka kasa arogo nung taküm piyong inyakba yaa ka lir. Iba ya inyaktetra, tenzükertem agi alakba timtem (kar danga lira), Arogo ka nung küm metsü semer aliba, item timtem nungi kümzüktsü, aser santema tanela chiyungtsü balala anguba agi ano tali saksalema alitsü amai pungmanger.
3. Ita sen agütsüba yim: Arogo ajak nung itasen ABAMi lemsüktsüba ama kasasa agütsütetra, tenzükter melentepba nung kecha timtem malitsü. Aser iba mapa ataloktsü asoshi tang Arogotemi ita shia tershilem nung 5% ABAM dangi abenba ya, ano ken jungjunga asameyanga inyak nungbo takoktsü lemanjia lir amai pungmanger. Tangar amai liromedema maparen ajak nung odaktsünera aser project balala, tat. agi hospital, medical college, boarding school, engineering college, a.a Mungdangi inyakteta odaktsünera ter shilem 80 % bosa centralized asütsüla. Town arogo nung rongsen onsara, saka yimtsüng nung pastor itasen 15,000 magütsür ta küma ora, tarutsü nung lendong tulu ajurutsü amai pungmanger.

(Maneni asüng adok nung...)

**Iba Olemsabang nung lemsaba ken-o aser shisatsü ya iba ocet züluri
bilemba ken-o ama tazünger agatsü mepishir**

India nunger putir, Stan Swamy jail nung lia asüba UN-i aitsür



July 06, 2021 nü Mumbai kübok Bandra nung aliba St. Peter Arogo nung Jesuit putir, Stan Swamy asüpila sentong agidang tangokba noksa nung angur. Tang coronavirus wara aliba agi asüpila sentong nung nisung 20 dang aden, ajisüaka Tenla kimabo mangyimer aika adenshia liasü.

July 08, 2021: Mongolbarnü (July 6) United Nations-i, India nunger putir, Stan Swamy jail nung lia asüba atema aitsüogo; Khristan putir ya arrshi küm 84 lia Hombarnü asü.

Jesuit putir, Swamy ya Indian anti-terror ozüing kübok ita 8 tashi tepuokdak liasü, aser pai bail meshiba temepishiba angadangtsü lia Hombarnü asü.

Swamy-i tribal nüburtem temeden atema inyaka aru aser 2018 küm pai India nunger kin balala tsüingda rara adokdaksü, ta pa nem tai tonglokja yaküm apu.

Geneva nung osangbenertem den jembidang UN High Commissioner for Human Rights office nung otongdar, Liz Throssell-i, "Arrshi küm 84, putir Stan Swamy asüba osang angashia onok jashir aser aoksar," ta metetdaksü.

Swamy ya Parkinson tashidak densema tashidak balala agi shiranga liasü saka pa nem bail magütsüi jail nung ayu. Taküm May ita nung pa dak coronavirus tashidak putetba sülen pa hospital nung treatment agi aser taoba hopta tatembanglen temelungjang tashidak adoka liasü.

Pa Unlawful Activities Prevention Act (UAPA) kübok apu; iba ozüing kübok ken o mangadangi tepuokdak ayutsü akok.

Khristan putir, Stan Swamy-i Maoist telungpurtem den tesendaktep ayu, ta pa nem tai tonglokja liasü, saka paibo nunga, ta shiogo.

India nung Ato kilonser, Narendra Modi-i aniba sorkari Unlawful Activities Prevention Act (UAPA) ozüing ya longkak aitertertem, osangbenertem, kaketshirtem aser tangartem anema amshia aika puogo, aser iba ya melung masürtem ola madokdaksütsü atema lir, ta aikati ashir.

UN otongdar, Throssell-isa, "High Commissioner Michelle Bachelet aser UN independent mongintemi tesüiba küm asem tashi putir Stan densema meimchir temeden atema inyaker 15 atema India sorkar den jembia aruogo, aser ken o mangadangi tepuokdak alirtem chiokang ta takhangba agüja aruogo," ta metetdaksü.

"High commissioner-isa meimchir temeden atema inyakertertem anema UAPA ozüing amshiba atema

tebilemstü lemsatapa aruogo. Putir Stan masüandang pai-India nunger court nung iba ozüing atema jembia aruogo," ta Throssell-i metetdaksü.

India densema linük aika nung coronavirus wara aliba mapang nung kuli tejangja makai pua alirtem ajak chioktsüla, ta Throssell-i ashi.

"High commissioner-i jembiba lephsia onokia maneni India sorkar dang pei temeden amshia pei tebilemba lemsatepba atema shinga maputsüla ta nenshia ashir," ta lai metetdaksü.

Mongolbar nikongdang India foreign ministry otongdar, Arindam Bagchi-i sangdong ka ajanga Swamy apuba, pua ayuba aser court-i pa nem bail magütsüba agi ozüing kübok inyak, ta metetdaksü.

Paisa, Swamy temang mejungi alibaji court-i meteta liasü aser May ita nungi nija hospital ka nung treatment agitsü atema pa nem temelaba agüja liasü, ta ashi.

"India-i senso ajak indang meimchir temeden ajungkettsütsü aser wazüka ayutsü," ta shia Bagchi-i, judiciary dak nija tashi lir, ta metetdaksü.

AICU-i sorkar dang minorities anema inyakba anenang ta akhanger

July 08, 2021: India nung Khristan lenirtemi sorkar dang linük nung minority tem anema inyakba anenang, ta takhangba agütsüogo, ta Union of Catholic Asian News (UCAN)-i metetdaksü.

India nung Catholic Organization tejentiba, All India Catholic Union (AICU) working committee-i July 4 nü sangdong ka ajanga India nung Khristan densema minority tem anema inyakba kanga bulua akümba atema tebilemstü lemsatap.

AICU sangdong ajanga,

"Khristantem tera nungi atsüdoktsü nükjidong nung asalentong yanglur Khristantem reshikangshiba kanga bulua kümogo," ta metetdaksü.

AICU-isa India nung Tenla kitem aser putirtem amakba aser loktiliba nung Khristantem sendokba osang balala metetdaksü.

AICU-i, "Linük nüchiso anguba sülen küm 75 ajungtsü mapang ana nung lia linük temzüing aser United Nation tezüingzüktep balala nung aliba

ama tamangba yimsü, lisopurtem, Dalit nunger aser tetsürtem indang meimchir temeden kümzüka ayutsü asoshi tayongzüka tulu lir," ta metetdaksü.

"Tesempa agi inyakba mapatem nung police-i yarisemba aser yimtenren telok balalai aibenelettem nem temerenshi magütsüba, iba denji külemi agency balala amshiba ajanga melung masürtem ola khenyongi nembangtsüogo," ta parnokisa metetdaksü.

ANOGO ABEN TSÜNGREM DEN

Yisu den süngra ka

Mamangertem den süngra kasa nung taputep. Kechiyong temeshibaji temenen den kechi nung puteptet? Tesangwaji ammag den kechi nung puteptet." 2 Korint 6:14.

Kiset shiruru süngra pungoktsür alu-ladaksür. Kodang süngra agi shiruru alentepdir, parnok sasa pilatsü makok saka külemi dang alir. Kodang Gado aser Ut süngra ka nung alentepdir, mera memetemer aser shiruru anaprongla asoshi kanga timtem. Mamangertem den süngra kesa nung maputeptsü jembibaji mamanger jakla nung tamanger ka mesüzüka maotsü sayuba lir.

Khenü anogo tebuti par jabaso dang mapa ka inyaka sayu. Aina marok ka nung tzü tom ka inok aser tanungba nung totzü inoktsü, repranga alinung totzü aser tzü khenyongi memeyoktep. Iba sülen chiyungtsü nung inokba rong tapu ka, iba marok nung tzüjang ka inoktsü, saka tzü atongdang asemshia oadok. Koba rong tzüjangi totzü den memeyoktep yamaji mamangertem den külemi liaka ka makümer saka tzü kobai tamanger atishir parnok den ka kümtet. Khrista den süngra kasa nung aortemi alima süngra den puteptsü makok.

SARASADEM

Oba Tsüngrem, mamangertem aser alima yimya nung masü saka Yisu Ne den süngra pungoker maneni jajadi. Amen

Temeim Sannüker aser amangbapurtem

Tamasa Clark Theological College nungi amangbapurtem ajak dangi Yisu Khrista temeim salem abener. Clark Theological College (CTC), 1972 nung lapoker taküm agi küm 49 tashi CTC takok ngua aruba ya Arogotem, kija-kibongtem, ana aser talang nung aliba amangbapurtem ajak teyaritep ajanga, ta meteta ajak dang pelar aser Tsüngrem tenüing asanger. Taküm 2021 ABAM Calendar nung aliba ama CTC Sunday July 11, 2021 nü Arogotem ajak nung amongtsü sarasademata. Tensa mapang den apet sannükeri anir pei Arogo nung sentong tajung yanglua CTC ministry asoshi tenla tajung bendena sarasademtsütsü mepishir. Sarasadem nung bilemtetsü asoshi onük kar yoker.

CTC asoshi sarasadem onüktem:

- CTC Board of Governors, CTC Patrons, Life Members, Founding Members, Sponsors, Trust & Award Sponsors taküm aser kibongtem asoshi.
- CTC nung Faculty aser Staff taküm aser kibongtem, aser students asoshi.
- Taküm final year Students 93 (M.Th.: 27; B.D. 62; CCMM: 4) July nung renemer tenzüka wadang balala-i aotsü aser kar tazüing aotsü telemtetba agiogo, parnok asoshi sarasademjangma.
- 2020-2021 Academic Year Online Final Examination July 5 nungi tenzüka züludagi aser July 25, 2021 nung atemtsü, iba asoshi sarasademjangma.
- Doctoral Program Communication department nung 2021-2022 academic session nungi tenzüksü temelaba Senate ajanga agütsüogo. Iba asoshi Tsüngrem tenüing asanger aser maneni iba program asoshi sarasademjangma.
- Kaketnang temeja (separate Library) ki ka asütsü nungdaker, Tsüngremi ya inyaktetsü asoshi rongsen lenmang maojang ta sarasademdaksüner.
- Taruba küm, CTC Golden Jubilee November 10, 2022 nung amongtsü asoshi Planning Committee-i anir mapatem tenzüka inyakdaki. Iba sentong tulu takok angutsü asoshi sarasademjangma.
- CTC nung Centre 4 (pezü) amenoka lir - Clark Centre for Leadership Development (CCLD), Clark Centre for Peace Research and Action (CCPRA), Clark Communication and Cultural Research Centre (CCCRC), aser Clark Centre for North East India Studies (CCNEIS), item Centretem asoshi sarasademjangma.
- 2018 nungi tenzüka Certificate in Church Music Ministry (CCMM) ita terok course küm asem agüja aruogo, taküm 2021-2022 nungi (1 year course) Diploma in Church Music Ministry agütsütsü sentong lir. Iba course ya takok ngua aotsü asoshi sarasademjangma.
- CTC Alumni ajak agi 2,046 kümogo, parnok tenzüka wadang balala nung nokdaka lir, parnok wadang aser kibong asoshi sarasademjangma.

Tsüngremi amangbapurtem ajak moajangma.

Rev. Dr. A. Temjen Jamir
Principal, CTC


OLONG PAITEP # 5869

	1		2			3		4		5
6								7		
					8		9			
			10							
11										
				12						
13		14		15						16
17								18		

TIPILEN		LANGTSÜNGLEN	
1. Inyaker ajangtetba	- (3)	1. Meshidak	- (3)
3. Bangsemo adokdak	- (5)	2. Tanaben soshir	- (7)
6. Shitak mesüi inyak	- (7)	3. Iba anogo	- (4)
7. Ya mimong nung angur	- (3)	4. Meshi	- (3)
9. Reprangzük	- (4)	5. Yagi mi tsükloker	- (9)
10. Tasola	- (5)	6. Shi tapu ka	- (9)
11. S _ _ _ _	- (4)	8. Yagi ayimer saka ozü masü	- (3)
13. Yagi ajak ashioktsür	- (3)	9. Ajokba shiruru ka	- (7)
15. Ki aokba oset	- (7)	12. Inyaktet	- (4)
17. Ak shi nung inokba tasen	- (5)	14. _ _ _ hi	- (3)
18. Ishika	- (3)	16. Akümüli nungi pilar	- (3)

OLONG PAITEP # 5868 TELANGZÜBA

TIPILEN :	LANGTSÜNGLEN :
2. Bangsemo, 6. Tiptem, 8. Jen,	1. Yipten, 3. Nüja, 4. Sangro, 5. Milen,
9. Tallia, 11. Aren, 12. Tzübo, 14. Allia,	7. Tulu, 10. Laza, 11. Aben, 12. Tiyong,
16. Angati, 17. Odi, 18. Azü,	13. Ajizük, 14. Aitsü, 15. Tasa, 16. Aina.
19. Sünghang.	



KECHISARNA AJAK NUNG VACCINE MAGIRBO TAMAKOK AJURUR.

Train ticket counter: Poila vaccine laka certificate tikhabi aru ticket lobi.

Bus ticket counter : Covid jem magirbo tangoshino, soarkar ozünga, tejashi.

Hospital : No vaccine- no treatment, sorry.

Arogo Deacon : Amangbapur tem, tanü nungi shiba vaccine magi, pa mesüra la jibo tekülemia marudaktsütsüa no, government ozünga, sorry.

Moral : Olulu amanga kazürbo tangar kodanga memeneptsü.


Lilir WhatsApp

Happy Birthday

TENÜNG - YIMSANEN
 Tasoba anogo -8 July 2017
 Küm -4years

Tsüngremi jabaso YIMSANEN küm pezü tashi anema taküm arishi tajung nung anir arunung maneni Tsüngrem tenüng asanger. Ano maneni arishi talang moajang ta teti onok sarasadem. God Bless.

-Temeim Oja, Oba, Sensen, Otsu, Obou & kinungertem.



AO OSHI ANGAZÜKDAK:

TANÜ ANGAZÜKTSÜBA OJANG

Khaset

(v) injang agi südaktsüba (shot dead)

* Sepaitemi rakzükratemer ka **khaset**.

Khen

(adv) mapang ka atema (once)

· Tanü asüngbo shishilembaba tesem **khen** dang lapoker.



Tir Yimyim

NAI-A YA METETTER MA?

ASSAM NUNG TEMOKTEMNÜBA TESEM KAR:

(Yashi adok nungi...)

"Akodong (banyan tree), Puranigudam"

Kharigaon tesem nung aliba akodong ka nung temoktemnüba otsü ajanga angazüker. Assam nunger, shirnok iba süngdong nung alener mi senoka rongsetdaktsü, item tanela ya iba süngdong aser temüket tesem nung nemzür ta otsü nung shia lir. 1820s (1817 aser 1826 küm tsüngda) nung Burma-i Assam amakba mapang, Burma nungeri Assam kübok yimtsüngtem nung alir sensakertem reshikangshia aser amokmerena liasü. Parnoki (Burma) iba akodong nung Assam nunger alena yur mi senokja rongsetdaktsü; aser item tanela yagi iba akodong nung temoktemnür.



(Maneni asüng adok nung...)

TANÜBO NAI LANGZÜANG

Q. Panchmuli awatsüng koba State nung lir?

A.Gujarat B.Madhya Pradesh C.Rajasthan D.West Bengal

=====(Taruba adok nung onoki langzütüsü)

YASHI ADOK TELANGZÜBA : 2005

SUDOKU # 5909

TELANGZÜBA # 5908

9	1			4		7		3		2	4	8	5	1	6	9	3	7
5	7				3					7	6	9	8	4	3	1	2	5
2				6		7	1	5	8	3	1	5	7	2	9	8	4	6
				9	3					1	9	2	6	5	4	3	7	8
3	6			4	5	8	2			4	5	7	1	3	8	2	6	9
4	5	2					3	8		6	8	3	2	9	7	4	5	1
		5							4	8	3	1	4	6	5	7	9	2
	4	1		2	6		3			5	7	4	9	8	2	6	1	3
				8	1	4	6	2	5	9	2	6	3	7	1	5	8	4

OJANG LUTEP # 5454

PAMANG :

ITASHK :

HIRAMSI :

EPI :

IBOKNG :

ANGKODA :

SÜYONGCHIT :

GAI :

NÜNAGA :

UTSÜMEYR :

OJANG LUTEP TELANGZÜBA # 5453

SHISA BULUAADENTENABLEMBA DANGNUNGIBO RAKBOKASHIADOKBA TAJUNGBA ASÜTSÜ

TAN HOPTA ATEMA - KOMA SÜLA ?

Q. Nagaland nung Naga nungerbo kibong nung tanur ajema asotsü atema masü aika asotsüang ajungshitep nung koma süla ?



Amritsar, July 08, 2021: Linük nung petrol, diesel aser LPG jenjang atuba anema Brihostibarnü Amritsar yimti tezulen aluyimertemi longkak aita Ato kilonser, Narendra Modi anema yimyim ayimba noksa nung angur.

NEP ajanga Education system tajungba kümogo: Dharmendra Pradhan

New Delhi, July 08 (Agencies): Brihostibarnü Union Education Minister tasenba, Dharmendra Pradhan-i, National Education Policy (NEP) tasenba ajanga India nung shisaliok nung temelenshi tulu adokogo, ta metetdaksü.

Linük nung shisaliok inyakim nung kanga terenlok aliba ya National Education Policy (NEP) ajanga lir, ta Dharmendra Pradhan-i ashi.

Bodhbarnü Union Cabinet ulushiba mapang nung Pradhan

nem Education portfolio lemzüktüba sülen pai tanü iba ministry mapa agizükogo.

Iba dak alia Rajkumar Ranjan Singh, Subhas Sekhar aser Annapurna Devi nungner Ministers of State for Education shim.

Education Minister akümiba sülen mezüngbuba senden nung jembidang Pradhan-i, "NEP ajanga India nung shisaliok inyakim kanga tajungba kümogo. Iba inyakim ya India nung dang masü saka bendang

linüktem nunga junga agizüker," ta ashi.

"India linük ya shisa akaba loktiliba ka kümduktüsa atema onoki kaketshirtem aser lanurtem primary stakeholders kümduktüsa atema inyaktsü," ta paisa ashi.

Brihostibarnü iba senden ya Ato kilonser, Narendra Modi leniba nung amen, aser senden nungsa IITs aser IISc densema Centre-i fund agütsüba technical institutions nungi tekolakpurtem-a aika aden.

Aluyimba ozüngtem magientsü saka ken o jembitsü melunga lir: Tomar

New Delhi, July 08 (Agencies): Brihostibarnü Union Agriculture Minister, Narendra Singh Tomar-i, Centre sorkari aluyimba ozüng tasen asem magientsü, saka sorkari aluyimertem den maneni iba onük atema jembitsü melunga lir, ta metetdaksü.

Paisa aluyimertem dang longkak aita anener sorkar den ken o jembitsü mepishi.

Sorkar aser aluyimertem unions tsünga senden 11 ben tashi menogo ajisüaka telemtetba kecha magiteti aluyimertemi tang tashi longkak aiter.

Sorkar aser aluyimertem unions tsünga senden tesüsabuba amenbaji taküm January 22 nü liasü. Iba sülen January 26 nü aluyimertemi tractor rally agidang rara tulu adokba mapang nungi tenzüka tang tashi senden mamener.

Tomar-i, "Ni longkak aita aluyimertem dang longkak aita anentsü aser onok den ken o jembitsü atema mepishir. Ken o jembitsü atema sorkari melunga lir," ta metetdaksü.

Union minister-isa, linük nung Agricultural Produce Market Committee (APMC) tashi taitba akümstü aser

APMCs nem teyari balala agütsüsa atema inyaktsü, ta ashi.

"Atmanirbhar Bharat kübok Farmers Infrastructure Fund nem sen 1 lakh crore lemzüktüso, aser ibaji APMCs-i amshitsü akok. APMCs atema ibaji tatembang masü. Aluyimba ozüngtem benoka inyakba sülen Centre indang Infrastructure fund nungi APMCs nem sen crore aika agütsüsa, aser ibaji ajanga parnok tashi taitba akümstü aser aluyimertem ajangzüktü," ta Union Minister-isa metetdaksü.

CTI-i Centre dang petrol aser diesel GST kübok aittsü akhanger

New Delhi, Chiteni/July 08 (Agencies): Linük yimtiba, Delhi nunga petrol totzü litre ka nung sen 100 ajungba sülen anogo ka lir Brihostibarnü Chamber of Trade and Industry (CTI)-i Centre sorkar dang, totzü jenjang maneni atuba azüoktsü atema petrol aser diesel na GST kübok aittsüla, ta takhangba agütsüogo.

CTI-isa Centre sorkar dang, tang coronavirus wara aliba nung ajemdaker yaküm excise duty atuba agientsüla, ta mepishi.

CTI-i sangdong ka ajanga, "Tesüiba küm 16 tsüngda totzü tazü jenjang 2020-21 küm tajemba liasü. Coronavirus wara mapang 2020 küm March ita nungi May ita tsüngda totzü tazü jenjang dalangba akümiba mapang nung Centre sorkari petrol litre ka nung saru sen 13 aser diesel litre ka nung saru sen 16 atu," ta metetdaksü.

Tang Delhi nung petrol dealer jenjang litre ka nung sen 40.62, litre shia central excise duty saru sen 32.90, litre shia VAT saru sen 23.13, dealer commission litre shia sen 3.60 lir; anungji petrol litre ka nung

saru ajak senteperbo sen 56.03 adoker.

Yamaji diesel litre ka nung dealer jenjang sen 42.39, excise duty litre shia nung sen 31.80, VAT saru litre shia nung sen 12.85 aser dealer commission litre shia nung sen 2.53 lir; anungji diesel litre ka nung saru ajak senteperbo sen 44.65 adoker.

CTI Chairman, Brijesh Goyal-i, CTI-i sorkar dang petrol aser diesel totzü na GST kübok aittsü aser saru shilem timba agia 28% asütsü, iba denji petrol litre ka nung Central GST (CGST) aser State (GST) sen 18 asütsüla, ta takhangba agütsüogo, ta metetdaksü.

"Ibaji ajanga dealer commission densema petrol litre ka nung sen 80.22 dang akümstü, aser ibaji petrol litre shia nung sen 20 agi dalangba asütsü," ta paisa metetdaksü.

"Iba denji kasa diesel nunga CGST aser SGST nung sen 15 agira dealer commission densema diesel litre ka nung sen 74.92 adoktsü, anungji diesel litre shia nung sen 15 agi tajemba akümstü," ta Goyal-isa metetdaksü.

Taoba mapang Himachal Pradesh CM Virbhadrar alima nungi pilaogo



Shimla, July 08 (Agencies): Taoba mapang Himachal Pradesh Chief Minister aser Congress lenir, Virbhadrar Singh mapang talangka shiranga aruba sülen Brihostibarnep züngia alima nungi pilaogo; pa arrshi küm 87 liasü.

Congress lenir tain, Virbhadrar anepdang 3:40 ako meta Shimla nung aliba Indira Gandhi Medical College (IGMC) nung asü, ta senior medical superintendent Indira Gandhi Medical College (IGMC), Dr. Janak Raj-i metetdaksü.

Hombarnü pa temelungjang tashidak atua tangu junga mesashitetba sülen nungi pa temang tamajungba küma ICU nung anepalua liasü.

Tekuben tashi MLA aser kümsük ponguben tashi MP inyaksang, Virbhadrar-i trokben tashi Himachal Pradesh chief minister inyakogo.

Pa asüba osang angashiba sülen Ato kilonser, Narendra Modi-i, taoba mapang Chief Minister-i state nung tongtibang shilem agiogo aser

nüburtem junga tenzüko, ta ashi.

Asür nem akhüm agüja Modi-i, "Virbhadrar Singh-i mapang talangka yimten tenzüka aruba mapang nung pai yimsüsüba aser legislative tsütsü aika ajangshia liasü. Pai Himachal Pradesh nung tongtibang shilem agiogo aser state nüburtem junga tenzüko. Pa asüba atema jashir. Par kibong aser pa pusemertem den ni mangyim jashi lemsateper," ta metetdaksü.

Taküm April 12 nü Virbhadrar dak coronavirus tashidak putetba sülen June 11 nüa pa dak tanaben iba tashidak puteta liasü.

April 12 nü pa dak coronavirus putetba sülen pa Chandigarh nung aliba hospital ka nung treatment agia anepba sülen April 30 nü par kidangi meyipa ao. Ajisüaka pa ki atongba sülen pa dak temelungjang tashidak timtem adoka IGMC-i anir ao, aser iba mapang nungjagi tenzüka pa iba hospital nungji monga liasü.

Pa kinüngtsü, Pratibha Singh ya taoba mapang MP liasü aser par jabaso, Vikramaditya Singh ya tang Shimla rural nungi MLA lir. Taoba ita June 23 nü pa arrshi küm 87 ajungba nungtem nung benjung monga liasü.

Himachal Pradesh nung 1977, 1979, 1980 aser 2012 kümtem nung pa Congress Tir inyakogo.



July 08, 2021 nü New Delhi nung Minister of State for Health & Family Welfare, Dr. Bharati Pravin Pawar-i Union Health Minister tasenba, Mansukh Mandaviya agizükba noksa nung angur.

SA taoba tir Jacob Zuma tepuokdaki yiogo



Jacob Zuma (file)

Nkandla, Chiteni/July 08 (Agencies): Mapang süzkükja aliba ama Bodhbar aonung ayatirm atongtsü anasa taoba South Africa Tir Jacob Zuma ya Nkandla nung par ki yutsür police dangi oa liasü.

Court mezüingmeshiba asoshi taoba hopta Constitutional Court ajanga ita 15 tepuokdak ayutsü obendang agütsüba ama inyaksü atema arishi küm 79 tain Zuma ya par ki aliba KwaZulu-Natal province nung correctional facility kati aruogo, ta ketdangsurtemi ashi.

Anogo ishika memolungi arur Zuma-i tepuokdak ayutsü totuyuba agütsüba nung anidakba ajanga South Africa nung tatsütepba ken o ka tatembang aruogo.

Temesüing nisung ishikati yimsü asüba anema timtema

nokdaker Zuma ya South Africa tir ama 2009 nungi 2018 tashi inyaka aru, saka pa tir menden nung aliba mapang ochimashi mapa inyaka ta tai tonglokja nüburtem ain adok aser pa busemer ajema kuma par party, African National Congress (ANC) nungi anen.

Pa tir inyakba mapang tematiba jenjang nung ochimashi mapa inyakba indang February ita bushisüingdangba mapang kuli agütsütsü totuyuba agütsüba nung manidakba asoshi June 29 nü constitutional court ajanga Zuma ya tepuokdak ita 15 ayutsü obendang agütsüba liasü.

Iba ken o ya Deputy Chief Justice Raymond Zondo-i anir bushisüingdang. Zuma-i aibelena mali ta ashir aser Zondo-i pa anema inyaker, ta ashi.

1999 küm Zuma ya deputy president inyakba mapang French defence firm Thales den nok-o-nü dak sendakba nung tezüngzüktep agiba nung ochimashi inyaka lir, ta ano Zuma anema ken o ka benoka lir. Ajisüaka Zuma-i item ajak ya yimtenren tsütsü nungi ajungmesoa inyakba mapa ka, ta aitsür.

Zuma-i pasasa police matsüingdangi marura, police temi pa Bodhbar anogo tatem tashinung aputsüla, ta linük nung tematiba court ajanga obendang agütsür liasü.

Tepuokdaki aoba nungi jenbutsü mechi tatema Zuma'er legal team ajanga khen asoshi inyaka alisang chief justice dang police nem pa maputsü totuyuba agüjang ta asüingdang aser pa takum nung timtem ajurutsü, ta shia liasü. Kasa mapang pa aputsü merangba nungi nokdangtsü atema Zuma bukumer noklang aika Nkandla nung par ki anasa adenshi.

Tepuokdak meyudaksütsü mechi Zuma-i ken o ana court nung benoka liasü.

Pai Constitutional Court nung pa tepuokdak ayutsü obendang agütsüba aliba ya tanaben reprangshitsü atema asüingdanga lir, koba July 12 nü jembitsü.

Ano Constitutional Court nung ken o benoka aliba nung obendang ka magütsü tashi minister of police ajanga pa aputsü bushiba anendaksütsü asoshi Pietermaritzburg High Court nunga pa indang okatsürtemi Mongulbarnü asüingdanga liasü.

Iba regional court nung ken o ya Hokulbarnü jembitsü.

Haiti tir tepsetba sülen police-i nisung pezü tepsetogo

Port-au-Prince, Chiteni/July 08 (Agencies): Haiti Tir Jovenel Moïse tepseter südi ta temolung melemi aliba nisungtem aser police tsüingta Port-au-Prince nung kanga sashia khatempa liasü.

Temolung melemi alir nisung pezü tepsetogo aser ana puogo saka aika bushiba mapang lir, ta police tekolakba Léon Charles-i ashi.

"Parnok tepsettsü mesüra aputsü," ta police tekolakbai ashi.

Bodhbarnepe lendong agütsür ki telungi aita arishi küm 53 tain Moïse khaset aser pa kinungtsü yirutsü.

"Lendong agütsüba tesem nungi temolung melemi alirtem aoba mapang onoki lenmang nokdang. Aser iba sülen onok rarar," ta police tekolakba

Charles-i ashi.

Parnok nok-o-nü tabensa bena lir aser parnoki police asem apu, saka chiokogo, ta ketdangsurtemi ashi.

Charles-i yangji aliba nüburtem dang kilung nungi madoktsü ajungshia liasü.

Moïse tepsetba sülen Haiti nung nüburtem taoksa tia nung lir, ta khen atema ato kilonser inyaka alisang Claude Joseph-i ashi. Nok-o-nü peria bena alir nisung tepsetertem Port-au-Prince temalen tenem nung tir aliba ki telungi Bodhbar aonung aita liasü.

Iba mapang Moïse dak injang agi aiben akha aser yangji asü. Tir indang temang nung injang agi kettsüba zübu 12 liasü, ta Magistrate Carl Henry Destin-i osangbener dang ashi.

(Maneni tapak 9 nung...)



Afghanistan northwest tsütsü Badghis province nung Taliban aser sorkar tsüingta khatepba mapang yiruba tanu ka Afghan nunger kati anir mozü kidangi aodang tangokba noksa nung angur. Provincial police headquarters aser Qala-e-Naw army base anasa Bodhbarnepe nungi rara tenzüka lir, ta Badghis nung provincial council tekolakba, Abdul Aziz-i ashi.

Bodhbarnü Bangladesh nung COVID-19 agi nisung 201 asü

Dhaka, Chiteni/July 08 (Agencies): Bodhbarnü Bangladesh nung COVID-19 agi nisung 201 asü, koba taoba küm March ita iba tashidak wara tenzüker anogo ka nung nisung timtiba asüba alitsü.

South Asia nung nütsüing yongsük million 165 aliba linük nungya ghonda 24 nung nisung 200 dak tema asüba tang ya mezüingbuba alitsü, aser tang linük nung iba virus agi asür ajak senteper nisung 15,593 jungogo.

Tesüsa anogo ka nung nisung timtiba asüba ya Hombarnü nisung 164 asüba liasü. July ita tenzüker mezüingbuba hopta nung nisung 1,090 süogo, aser ibaji Bangladesh nung tashidak wara tenzüker hopta ka nung nisung timtiba asüba alitsü.

Tesüba ghonda 24 tsüingta nisung 11,162 dak iba virus ya jangjateta tang tashinung iba tashidak yagi linük nung nisung 9,77,568 menepogo, ta ketdangsurtemi Bodhbarnü ashi.

Coronavirus cases aser asüba tali akumba mapang Bangladesh-i linük ajanga nung tenokdangba agütsüba aliba ano hopta ka atsülangogo.

Kidanger linük, India nung mezüing jangjatetba coronavirus sernung Delta variant ya ajanga Bangladesh nunga nisung tali menepa healthcare system tebilemetsü agi süngdaksü aser medical oxygen nung timtem tulu ajurutsü shisabulur.

Iba variant yagi Bangladesh arrtsülen northern aser southwestern region nuung taoba ita kongshia tangbo linük tesem ajungalen jila aser yimyak-yimtsüingtem nunga kanga kera prokshia aor.

Taoba ita sample bendenba shilem 78 dak Delta variant ngutet, ta Dhaka nung amenoka aliba Institute of Epidemiology, Disease Control and Research (IEDCR) nung director Tahmina Shirin-i ashi.

IEDCR ajanga Bangladesh nung Delta variant ya mezüing May 8 nü puteta liasü. Iba sülen

June ita nungbo iba coronavirus tabu ya linük tesem ajanga sünger liasü.

India den arrtsüa aliba Dinajpur, Chapainawabganj, Pirojpur, Khulna aser Satkhira district tem nung Delta variant ya mezüing jangjateta liasü, saka tangbo Dhaka nung putetba timba iba variant ya lir, ta Shirin-i ashi.

"Lockdown özüng tesashi benokba ajanga Delta variant prokshia aoba ajemdaksü südi ta amanger, saka menokdangtet," ta lai ashi.

Shirin-i ashiba agi, coronavirus atema mozü dose ana agir alir daka Delta variant ya putet.

"Iba variant anema raratsü asoshi maongka tajungtiba agi mozü agütsüba ya lir," ta lai ashi. Bangladesh nütsüing yongsük shilem asem dang COVID-19 mozü dose anaprong agir lir.

Küm tetenzüklen timla tulu nung mozü agütsüba maparen tenzüka liasü, saka India nung virus wave tanabuba agi

kongshia AstraZeneca mozü yokba anenadok.

Ajisüaka United States nungi Moderna mozü dosen million 2.5 aser China nunger Sinopharm mozü doses million ana yokba sülen Bangladesh nung mozü agütsüba maparen hopta tatemlen nungi asendenshi.

Ajisüaka iba tashidak wara kanga kera prokshidaksüla sentong ana - nungtugu nashi ayokba sentong aser Eid al-Adha - arutsü aliba atema mongintem shisabulur.

Küm shia Muslim nunger benjong amungtsü lia Dhaka aser rongnendak Chattogram yimti nung mesütepa süki yanglur, kong linük tesem ajungalen nungi mamatzü agütsüba shiruru yokya-yokchirtem adenshia bendanga agütsüba shiruru ayoker. Item tesem nung nisung million aika arua shilem agir.

Kinungertem den iba benjong amungtsü atema yimti tulutiba ana nungya nisung

million aika train, bus, rong tila aser nija gari nung adenshir.

Sorkari July 14 nung atemtsü aliba lockdown tesashi ya Eid al-Adha tashi atsülangtsüla, ta Bangladesh nung menatepa aoba tashidak tsütsü takotet nübu, Be-Nazir Ahmed-i ashi.

"Yimyak-yimtsüingtem, talisa India den arrtsüa aliba district tem nungi kiset shiruru ayokertem linük yimtibai marudaksütsüla, kechiaser yangji COVID-19 tashidak kanga sashia menatepa aoba mapang lir," ta pai ashi.

Sorkari lockdown salaa nüburtem senzüsempongtsü melara, Eid al-Adha benjong sülen linük nung COVID-19 jatetba angutsü, ta Ahmed-i ashi.

Ita ishika tejakdang India nung ajangshiba tensa asenoki ajangshitsü, ta taoba mapang Bangladesh indang Directorate General of Health Service (DGHS) nung director of disease control inyaka alisang Ahmed-i ashi.

AR-i tesem balala nung sentong ayongzük



Dimapur, Chiteni/July 08, 2021 (TYO): Ghaspani Battalion Assam Rifles-i Brehostibarnü (08.07.2021) Dimapur district kübok Old Showuba, Kulidolong aser Piphema yimtsüng nung tantsütambu, Chairman aser Gaon Burah tem den sensaksem sentong ka ayonga agiogo, ta sangdong ka ajanga metetdaksü.

Iba sentong shilem ama, Assam Rifles-i COVID tensa, vaccine agitsü, anüing tom nung mejangjatetba osettem yimzüba - talisa drone amala agi timtem agütsüba tebilemtsü den lanur aser tetsürtem atema mapa inyaksü maongka indang onüktem nung ajemdaker sensaksema liasü. Iba sentong nung, yimdak alir tantsü tambu, Chairman aser Gaon Burah densema nisung 32 shilem agiogo.

Tawa tanü tensa den apet onüktem nung ajemdaker iba ama sentong ayongzüksüba asoshi yimertemi Assam Rifles dang pelaba metetdaksü.

Kasa anogo, HQ IGAR

(North) kübok Jalukie Battalion - Assam Rifles-i NTU village, Peren nung alirtem atema COVID-19 Awareness Drive ayongzüka liasü.

Covid-19 wara dak sendakba nung kümdangshia alitsü osang sangoktsütsü nükjidong yur, AR team-i iba campaign ayongzük. Iba campaign mapang, team-i tejak nembangba mask aser hand sanitizer amshiba den social distancing ajanga iba wara nungi nisung kümzüka indang tesayuba agütsü.

Iba den külemi, vaccine dak sendakba nung olulu osangtem mamangtsü aser takaratiba nung vaccine agitsü asoshi team-i yimertem ajungshiogo. Iba sülen, team-i yimertem temang repranga parnok anepalu aser sentong nung adener ajak nem mask den hand sanitizer tem lema agütsü. Iba awareness drive sentong nung tetsür 17, tebur 14 aser tanur 12 densema nisung 43 shi ajangzükogo.

Maneni, HQ IGAR (North)

kübok Kiphire Battalion Assam Rifles-i Brehostibarnü (08.07.2021) New Vongti village, Kiphire nung tantsütambu aser yimsüsür tem den sensaksema sentong ka ayonga agiogo. Iba sentong nung, Assam Rifles team-i Covid-19 wara nungi kümzüka alitsü indang nung ajemdaker jemi aser yimer dang atsüayonga melii vaccine agitsü asoshi ajungshia liasü. Team-i iba yimtsüng nung alir tanurtem nem nanglong lema agütsü.

COVID-19 wara nungi nüburtem kümzüka lidaktsütsü asoshi mapang shia Assam Rifles-i yimtsüng aser tesem balala nung awareness sentong tem takok ngua agidar. Iba mapatong maneni tejakleni bener aoba ajanga nüburtem iba tesashi wara nungi kümzüka alitsü saksalemdaktsüba den külemi Assam Rifles aser nübur tsüngda tesendaktep tali akangshir. Iba sentong asoshi yimertemi Assam Rifles dang pelaba metetdaksü, ta kasa sangdong nung shia lir.

August 13 nü "Bhuj: The Pride of India" sayatsü

New Delhi, Chiteni/July 08, 2021 (Agencies): Ajay Devgn indang Bhuj: The Pride of India" ya Independence Day anogomung matongdang, August 13 nü Disney+ Hotstar VIP sabang nung sayatsü, ta Mongolbarnü iba streaming platform ajanga osang sangoktsü.

Bhuj ya 1971 küm Indo-Pakistan War mapang atalokbatem nung ajemdaker yangluba film ka alitsü. Iba period war-action movie nung IAF Squadron Leader aser Bhuj airport in-charge Vijay

Karnik (Devgn)-i linük kümzüksü asoshi Madhapar yimtsüng nungi tetsür 300 teyari agia IAF airbase tanaben yanglushiba otsü sayatsü.

Disney+ Hotstar VIP-i Twitter ajanga iba film sayatsü osang lemsatepa liasü.

Iba movie indang trailer July 12, 2021 nü sayatsü sentong lir. Ajay dak alaka, "Bhuj" nung Sanjay Dutt, Sonakshi Sinha, Ammy Virk, Nora Fatehi aser Sharad Kelkar nungeri tongti shilem agiba angutsü.

Abhishek Dudhaiya den Raman Kumar, Ritesh Shah

aser Pooja Bhavoria nungeri iba film zülua aser direct süogo. T-Series aser Ajay Devgn Ffilms ajanga iba film present asütsü aser Select Media Holdings LLP sabang kübok Bhushan Kumar, Kumar Mangat Pathak, Ginny Khanuja, Vajir Singh aser Bunny Sanghavi nungeri iba film production maparen tsütsü inyakogo.

Maneni, Ajay Devgn-i direct süa Indian Airforce indang film ka yanglutsü asalentong yangludar. Iba film nungja 'MayDay' asütsü.



Cannes, Chiteni/July 08, 2021: 74buba Cannes Film Festival nung 'Everything Went Fine' film sayatsü lia, Diipa Khosla tonga aruba mapang tangokba noksa ka yangi angur.

MOLUNGNEN O

Onok tanela jenjang yanglutsüsang temeim Obala **ILIMA LONGKUMER** (Aliba) küm talangka tashidak agi tonger pa akümüli wadang tempangba anogo tashi, alima tensa tamajung liaka shirnokisa aria bilema nübu, rongsen,shisatsü aser sarasadem agi yaritepogo nenok ajak dang kangasa pelaba lemsateper.

Onok tsüngtong arua nenok dang pelaba meshiaka, Tulusang Tsüngremi nenok ajak moajangma ta aji ozü sarasadem.

Lokti, kija balala aikati yariogo, nenok ajak tenüing madoktsüteter, saka mepaidoktetba kar adokdaksür.

1. Dr Aoakum Kichu, Eden Hospital, staff aser Nurses
2. Civil Hospital Dimapur, Blood Bank aser staff.

~ Temeim Kinungtsü, Chirnurtem Semchirtem & Kinungertem



Security Forces-i NSCN (IM) züngsem ka apu

Kohima, Chiteni/July 8 (TYO): Police den longjemer Security Forces-i, July 5, 2021 nü NSCN (IM) züngsem ka puogo.

Itangitertem nungi osang tejangja ka angazükba sülen Security Forces aser State Police na senteper Peren district kübok Jalukie jila Old Market

tesem meita aoba mapang telungpur ya apu. Pa ket nungi 32mm pistol ka den magazine ka aser injang ana nguteta liasü.

Ken o maneni bushitsüngdangtsü atema aija alisang den pa ket nungi ngutetba hadirtem Jalukie Police Station nem bandanga agütsüogo.

52buba IFFI sentong November 20 nungi tenzüksü

New Delhi, Chiteni/July 08, 2021 (Agencies): Minister of Information and Broadcasting, Shri Prakash Javadekar-i Mongolbarnü, 52buba International Film Festival of India (IFFI) indang temzüng aser poster sayaogo. Taruba, IFFI festival sentong ya Goa nung November 20 nungi November 28, 2021 tashi ayonga agitsü terenemba lir.

International Film Festival of India (IFFI) ya Asia nung film sentong mezüing aser India indang international film festival tulutiba ta ajaki züngshir. 52buba IFFI ya taküm January nung 51buba sentong takok ngua ahiba asadanga yimya balala nung ayongzüksü terenemba lir.

State Government of Goa aser Indian Film Industry den longjemer Directorate of Film Festivals (DFF), Ministry of Information and Broadcasting, Government of India ajanga iba Festival sentong ayongzüksü.

IFFI ya International Federation of Film Producers Associations (FIAPF) ajanga agizüka lir. Küm shia, iba festival sentong nung, cinema tsütsü maparen tajungtiba tem shima tetushi agütsür aser sentong agiba mapang, India den alima tesem balala indang film tem sayur.

52buba International Film Festival of India nung tokteptsü atema August 31, 2021 tashi entry tem agizüksü.

Indian cinema indang maestro, Shri Satyajit Ray asoba anogomung nungtem nung, IFFI nung Special Retrospective ajanga I&B indang Directorate of Films Festivals, Ministry ajanga tetushi agütsütsü.

Iba den külemi, Ray aser Indian Film Industry den küm shia IFFI sentong nung "Satyajit Ray Lifetime Achievement Award for Excellence in Cinema" agütsütsü telemtetba agiogo.

Haiti tir tepsetba sülen... (Tapak 8 nungi...)

Tir indang office aser pa mejangba takdang ajunga bulusatsür liasü aser pa ali nung azü agi yimpanger laoa liasü, ta pai ashi.

Iba lendong nung Lady Martine Moïse-a yiru aser Florida nung anir oa temang anepalutar.

Tena tanur asem, Jomarlie, Jovenel Jr aser Joverlein ya kumzüka lir, ta sorkar ketdangtsüri ashi.

Jomarlie ya la tenu indang takdang nung jenoka jenbu aser

ki mapa nung yariteper ana lendong agütsüri sendaka ayu, ta Destin-i ashi.

Lendong agütsür ya taa agia mapa tamajung inyaker lir aser parnok ya bendanger, shirnoki English aser Spanish oshi jembir, ta Joseph-i ashi. Haiti nung Creole aser French oshi jembir.

Ajisüaka Haiti indang communication minister-ibo temolung melemi alirtem rongnung Haiti nungera densema lir, ta ashi.

Euro 2020: England-i Denmark koka final tongtetogo



Wembley, Chiteni/July 08, 2021: England aser Denmark tsüngda Euro 2020 semifinal asayaba mapang, Harry Kane-i England atema goal tanabuba idaktsür sülen külem team pur den pelatepba yangi noksa nung angur.

London, Chiteni/July 08, 2021

(Agencies): Brehostibarnü Wembley Stadium kübok Euro 2020 tatembuba semi final asaya nung, England-i goal 2-1 agi Denmark koka final tongtetogo. Küm 55 tashi ata arur sülen, England team-i Euro 2020 final mezüng tongteteter alitsü. Taruba Hombarnü kasa tesem (Wembley Stadium) nung

England team puri Italy team den European Championship final asayatsü.

England team-i iba asaya akoktsü atema asaya tatemlen Harry Kane-i goal ka idaktsü. Mezüng half nung Simon Kjaer-i mekümdangi par telok indang nung goal ka idaktsü, koba Denmark atema kanga dang takoksa tulu liasü.

Iba asaya nung, free-kick ka

ajanga midfielder Mikkel Damsgaard-i mezüng goal idaktsür sülen tesemdang team (Denmark) 1-0 agi England tejakdang ser asaya liasü, saka tatsüka dang lir Raheem Sterling-i metsüketa yokba cross ball ka nokdangtsü merangba mapang, minute 40buba nung Simon-i mekümdangi par telok indang nung goal idaktsü.

Tan Euro asayamung nung,

Damsgaard-i free-kick ka ajanga mezüng goal idaktsü. Kasa Euro 2020 nung England team-i tanga team ka nem goal agütsüba ya mezüng alitsü.

Team anaprongla goal 1-1 idaktsür mezüng half tembangba sülen, tanabuba half nung maongka aika nguaka telok kati danga goal meinoktsütet. Minute 55buba nung England defender Harry

Maguire-i goal idaktsütsü meranga pa kolak agi tongoktsü, saka tom nung goalkeeper Kasper Schmeichel-i ajepzüka liasü. Iba sülen, Denmark forward Kasper Dolberg-ia minute 59buba nung goal ka idaktsütsü merang, koba England keeper-i nokdang.

Goal 1-1 yoker latetja aliba mapang tashi asayar sülen, mapang talila apuloktsür asayaba mapang, England team-i penalty ka metsütsü maongka angü. Minute 104buba nung Harry Kane-i iba penalty metsüloktsü, saka Denmark goalkeeper Kasper Schmeichel dak ball ondaker aruba mapang, Kane-i tanaben metsülokja goal idaktsü.

Denmark star Christian Eriksen nem aküm agüja, Bodhbar aonung, England-i parnok indang jersey ka nung sign ser agüja liasü. Taoba ita Euro 2020 tenzüka Denmark team mezüng asayaba mapang, tasayadak nung Eriksen temulung agi mapa meinyaki moapu nung laoba sülen, iba asayamung nungi pa tukadok.

Wembley Stadium nung semi final asaya metenzükdang, England captain Harry Kane-i Denmark nung Simon Kjaer nem Eriksen atema sign ser aliba jersey no.10 agütsü. Tang, Eriksen ya Copenhagen kübok pa talidak tejungtuba lir.

**- Euro 2020 Final -
Italy Vs England
@ July 12, 12:30 AM**

Anurag Thakur-i Sports Minister mapa melenzük

New Delhi, Chiteni/July 08, 2021

(Agencies): Brehostibarnü, Anurag Thakur-i linük indang 17buba Sports Minister ama Kiren Rijiju melenzük; aser saisapong tsütsü India ajungkettsütsü asoshi pa dak aketba sempet tajungtiba amshia inyaktü ta pai nangzüko.

Aishi küm 46 tain Thakur, shiba taoba mapang Cricket Board President liasü, Bodhbarnü, cabinet minister ama tenangzüktep agiba sülen, pa nem 'Sports and youth Affairs' den külemi Information and Broadcasting ministry mapa lemzüksü.

July 23, 2021 nungi tenzüka asayatsü aliba Olympic Games atema linük nung athlete tem renemshiba mapang, Thakur-i 'Sports and youth Affairs' mapa agizüker alitsü.

"Lanurtem aser saispong balala sendaktepa aliba maparen asoshi kü nem khuret tasen ka lemzüksüba atema Ato Kilonser dang pelaba metetdaksür. Pai (Ato Kilonser) saispong meimba aser iba wadang nung temulung alemba den mapatong balala tenzüksüba ajanga tangar den meneptepa India nung saisapongtem tejakleni odaki,"

ta mapa agizükba sülen Thakur-i osangbener dang ashi.

"Kiren ji (Rijiju) kübok mapa tajung kechisa inyakogo, item maparen maneni takok ngudakja bener aotsü. India nung saispongtem ajungkettsütsü atema ni ajak den longjemer inyaktü," ta pai ashi.

Mani Shankar Iyer-i sports ministry (2006-2008) mapa abenba külen nungi, iba mapa agizüker cabinet minister rongnung Thakur mezüng alitsü.

Thakur den külemi Bengal BJP lenir Nisith Pramanik-i deputy ama inyaktü. Nisith arishi küm 35 aliba mapang, cabinet nung pa minister tanubusang aküm.

Thakur kübok inyaktü asoshi minister of state ama shimba dak alia, Pramanik nem Ministry of Home Affairs nung MoS ama mapa talila lemzüksüo.

2019 küm Cooch Behar Lok Sabha menden nungi takok anguba sülen, Member of Parliament ka ama pai mezüng tenzükdaki.

Thakur-i ashiba agi, India ya saisapong linük kümtsütsü Narendra Modi nükla tulu lir aser Sports Minister ka ama ni iba mangdang atalokdaksütsü.

"State Sorkar tem, Saispong

tentetem, association aser federation balala den longjemer ni inyaktü. Saispong tsütsü India-i tangar menepa takok ngua aoba ni asangsang nung nguner aser Ato Kilonser mangdang atalokdaksütsü asoshi ni meranga inyaktü," ta pai ashi.

"Nisung shia pei nem lemzüksüba khuret ochishia inyaktütsü meranger. Lanurtem ajangzüksü aser saispong tsütsü terenlok lidaktsütsü asoshi kechisa nungdaker, itemji ataloktsütsü onoki inyaktü," ta Thakur-i shisem.

2016 küm May aser 2017 küm February tsüngda tashi Thakur ya BCCI indang president liasü.

BCCI president meinyakdang, Thakur iba Board indang secretary aser Himachal Pradesh Cricket Association (HPCA) nunga pa tekolak liasü.

Bodhbarnü cabinet tanaben memelentepdang (reshuffle), Nirmala Sitharaman kübok HP indang Hamirpur constituency nungi Member of Parliament, Thakur-i 'minister of state for finance and corporate affairs' inyaka liasü. Ano külen, Thakur adianu, Arun Dhumal ya BCCI indang treasurer lir.

Aditya Mittal-i Grandmaster title angü

New Delhi, Chiteni/July 08, 2021

(Agencies): Brehostibarnü, arishi küm 14 tain Aditya Mittal-i mezüng Grandmaster title ajangzüktetogo. Tang asaya aliba Serbian Open nung pai iba jenjang ajangzükteta liasü. Aditya-i pa indang mezüng Grandmaster title ajangzüktettsü atema, pai GMs den asayaba mapang asemen tashi atonga takok anguba densema point 7/9 angü.

"Serbia Open nung arishi küm 14 tain Aditya Mittal-i mezüng Grandmaster jenjang tongtetogo. Iba asaya tenzüker sülen, @mittal_im (2438)-i 1buba GM norm aser 20+ elo point angütsü atema, pai tanga GMs den asemen tashi atonga takok anguba densema 7/9 yanglutet," ta Twitter ajanga Chess.com ajanga metetdaksü.

June ita, chess putiotsü nung chess grandmaster tanubusang rongnung Abhimanyu Mishra aküm. New Jersey nungi arishi

küm 12 tain Mishra-i Budapest nung tasembuba GM norm ajangzüktet. Iba mapang, pai 2500 Elo rating dak tema angü.

"Bodhbarnü, Mishra-i pa career indang game tulutiba takok angü. Iba asaya nung, pai arishi küm 15 tain India nung GM Leon Luke Mendonca madak takok angü, kong round tuku dak tema toktepa mapang, pai 2600 dak tema rating ajangzüktet," ta Chess.com sangdong nung shia lir.

Mishra-i GM Sergey Karjakin indang record ajangtetogo, koba Sergey-i küm 19 tashi iba record bena liasü. 2002 küm August 12 nü, Karjakin, shiba 2016 nung world championship challenger ka liasü, pa arishi küm 12 ser ita 7 aliba mapang, mezüng grandmaster title angü. Mishra, shiba 2009 küm February 5 nü aso, pa küm 12 ser ita 4 aser anogo 25 alidang, pai chess nung temaba jenjang ajangzüktet.

BILEMDANGANG

**"Tamakoker asoshi takokerji
tesayur tajungtiba."**